



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA SUPREME E KOSOVËS
VRHOVNI SUD KOSOVA – SUPREME COURT OF KOSOVO

Numri i lëndës: 2022:260976
Datë: 20.01.2025
Numri i dokumentit: 06727500

C-IV.-14-6802

N H – Sh nga Prishtina.

Ankuesi:

Kundër:

E paditura:

N.SH “Universal”, e përfaqësuar nga **Agjencia Kosovare e Privatizimit**, rr. “Dritan Hoxha” nr. 55, Lakrishtë, Prishtinë.

Dhoma e Posaçme e Gjykatës Supreme të Kosovës për çështjet në lidhje me Agjencinë Kosovare të Privatizimit (Dhoma e Posaçme), gjyqtarja Hajrie Shala, me dt.17 janar 2025, lëshon këtë:

A K T V E N D I M

1. HUDHET ankesa e ankuesit si e pa bazuar e paraqitur kundër vendimit të Autoritetit të Likuidimit nr.PRN037-0042 i dt.25 korrik 2013.

2.Nuk caktohen taksa gjyqësore për ankuesin.

Rrethanat faktike dhe procedurale

Me dt.30 tetor 2014, ankuesja ish punëtore e NSH “Universal” ka ushtruar ankesë në Dhomën e Posaçme të Gjykatës Supreme të Kosovë (më tej “Dhoma e Posaçme”) kundër vendimit të Autoritetit të Likuidimit (më tutje AL) nr.PRN037-0042 i dt.25 korrik 2013, me të cilin ka kërkuar kompensim për paga të pa paguara në shumë prej 1,200.00€.

Me dt.15 qershor 2024, e paditura AKP-ja ka parashtruar mbrojtje në ankesë, në të cilën pohoi se ankesa e kërkesa është paraqitur jashtë afatit ligjor për paraqitje të kërkesave. AL i është drejtuar ankuesit për sqarim se përmes nuk e ka paraqitur kërkesën me kohë dhe ka marr përgjigje se nuk ka qenë i informuar dhe ky pretendim nuk është i besueshëm për AL-në. Parashtruesi nuk e ka dëshmuar pretendimin e tij për zgjatje të afatit për parashtrim të kërkesave. Ka kërkuar nga gjykata që të refuzoj ankesën e ankuesit. I ka bashkangjitur Kopjen e vendimit të AL.

Arsyetimi ligjor

Ankesa hudhet si e papranueshme .

Në bazë të nenit 2.4 dhe nenit 77.1.1.1 të Ligjit Nr.06-L-086 të Dhomës së Posaçme të Gjykatës Supreme të Kosovës për çështjet që lidhen me Agjencinë Kosovare të Privatizimit (në tekstin e mëtejme Ligji për Dhomën e Posaçme), gjykata zbaton dispozitat procedurale të këtij ligji.

Në bazë të nenit 76.3 të Ligjit mbi Dhomën e Posaçme, në lidhje me nenin 399 të Ligjit për Procedurën Kontestimore, gjykata vlerëson se faktet që përmban ankesa nuk e vërtetojnë atë dhe merr Aktgjykim pa caktuar seancë dëgjimore.

Ankuesi nuk e ka dorëzuar kërkesën në Autoritetin e Likuidimit të AKP-së brenda afatit ligjor të shpallur nga ana e AKP-së për parashtrimin e kërkesave kreditore. NSH “Universal” kishte hyr në proces të likuidimit dhe AKP kishte publikuar njoftimin për fillimin e likuidimit të NSH-së, ku edhe kishte njoftuar të gjithë kreditorët potencial të NSH “Universal” (në likuidim) se afati për parashtrimin e kërkesave është deri me datën 05.02.2006.

Nga shkresat e lëndës del se ankuesi kërkesën e tij Autoritetit të Likuidimit ia kishte parashtruar me dt.14.03.2006, një muaj pas afatit për dorëzimin e kërkesave.

Nga kjo konstatohet se ankuesi kërkesën e tij te Autoriteti i Likuidimit e kishte parashtruar pasi që kishte kaluar afati i parashtrimit të kërkesave sipas informimit të bërë nga AKP-ja. Ankuesi në ankesë nuk ka sjell asnjë provë apo dëshmi të besueshme që do ta justifikonte vonesën e tij në parashtrimin e kërkesës te Autoriteti i Likuidimit, mandej nuk është ndalur fare në arsyetimin e vonesës.

Nga data e fundit për parashtrimin e kërkesave 05.02.2006, e deri në datën e parashtrimit të kërkesës në Autoritetin e Likuidimit, ankuesi ka kaluar më shumë se një muaj vonesë të pajustificuar. Andaj, kërkesa dorëzuar në AL me një vonesë të tillë me të drejtë është konsideruar si e pavlefshme, si rrjedhojë e saj edhe ankesa e parashtruar në Dhomën e Posaçme hudhet si e papranueshme duke gjetur se i mungon vendimi ndaj të cilit është dashur të ushtrohet.

Neni 37.4.4.1 i Shtojcës së Ligjit nr. 04/L-034 për Agjencinë Kosovare të Privatizimit përcakton se kërkesat që konsiderohen të jenë të pas afatshme sipas afatit të kufizuar të përcaktuar me ligjet e aplikueshme si dhe kërkesat që nuk janë parashtruar në mënyrë të rregullt apo me kohë, refuzohen.

Bazuar në rrjedhën e kësaj procedure dhe në shkresat e lëndës gjykata gjen se ankuesi nuk e ka përmbush kriterin e paraparë me nenin 36 .2.2.6 i cili parasheh se “një ankesë është e pranueshme nëse është bashkëlidhur edhe një kopje e aktit juridik kundër apo ndaj të cilit është paraqitur kërkesa /ankesa” .

Andaj në bazë të të lartcekurave dhe në pajtim me nenet 54.1 dhe 74.4 të Ligjit për Dhomën e Posaçme u vendos si në dispozitiv të aktgjykimit.

Taksat gjyqësore

Në bazë të nenit 62 par.3 të Ligjit për Dhomën e Posaçme, secila palë do t'i bart shpenzimet e veta procedurale.

Këshilla juridike

Kundër këtij aktvendimi mund të parashtrohet ankesë me shkrim tek Kolegji i Apelit i Dhomës së Posaçme brenda 15 ditësh nga data e pranimi. Ankesa duhet të parashtrohet në bazë të nenit 9 par.6 të Ligjit për Dhomën e Posaçme.

Gjyqtarja
Hajrie Shala